

千頃齋初集

千頃齋初集卷之六

汝南黃居明立父著

詩部

七言律

過建陽縣望考亭

滄洲晚築近何如，爲感先賢問故居。  
天借潭陽成闕里，地連東壁足圖書。  
千秋俎豆微言在，百代衣冠世澤餘。  
欲采江蘋愁日暮，又牽小草逐征車。

題郡太守程蘿陽公望雲獻壽冊

望裏停雲憶倚閭  
循陔歌發意何如  
百年壽母邦人頌  
千里寧親咫尺書  
冰壺全貯松蘿月  
雕饌時供浙水魚  
聞道一星高婺女  
未須愛日戀潘輿

覺性亭爲明家兄題

兄頗營生  
書此諷之

亭倚晴村散午嵐  
諸峯盡處見瞿曇  
種花自識根中品  
啖蔗誰知淡後甘  
大覺開時空夢幻  
餘痴了却戒嗔貪  
維摩法界元清淨  
會得無生禪

可參

送以簡叔之五羊

里社追隨結舊鄰  
匆匆別去又風塵  
踈狂世態客吾拙  
落穆人情見汝真  
畏路從教覆眼白  
流光莫遣二毛新  
天南瘴癘行看盡  
蚤晚歸裝慟老親

臘月立春

南州地僻春偏早  
北極天高雪尚寒  
爆竹未應隨臘盡  
椒花巧已媚人看  
無衣漸喜朝暾煖  
短

髮翻驚歲序闌况是條風催物候沈冥肯負酒  
盃寬

立春日林子發過訪信宿言別

海上相思歲欲闌誰憐寂寞老漁竿偶逢佳客  
乘春至况有芳梅帶雪看盤試青蒿隨令節樽  
開綠醕破餘寒扁舟一夜山陰興未罄平原十  
日歡

雨中集神山觀時予將北上

茫茫烟水繞蒹葭一片神山落晚霞何處樓臺

喧羯鼓誰家雲雨墮  
靄嫺頻將短髮看流歲  
且對芳樽戀物華  
興劇從教嚴漏轉  
明朝馬首又天涯

賦得岸容待臘將舒柳得家字

一陽吹琯動飛葭  
堤柳凌寒半欲芽  
碧眼全含春意小  
纖腰猶怯雪花斜  
暗隨煖律回天地  
先逐窮冬管歲華  
若到芳菲三月暮  
風流可愛屬

張家

用齊書  
張緒事

題李與熙齋中畫松得松字

生綃一幅數株松盤礴何人作老龍蕭爽如聞  
清籟發離披忽訝綠陰重虬枝蟠石全飛動羽  
蓋于霄半淡濃自是君家千丈樹貞心不改歲  
寒冬

送明順武舉弟北上

爾祖桓桓義烈聲曾留短劍作干城憐君投筆  
成先志從此封侯屬後生半篋陰符噓虎氣十  
年膏鷺淬龍精猶聞瀚海風波惡爲挽天河一  
洗兵

彭城懷古

南北河漕壯此州古來形勝控咽喉歌臺寂寞  
花空舞戰地蕭條水自流楚國猴冠無故里張  
家燕子有高樓可憐伏臘村中老香火千年獨  
祀劉

戲馬臺今改  
爲先主廟

虞美人

南國佳人艷骨殊至今墓草亦名虞君王自愛  
傾城色尤物偏能害霸圖帳下曼聲歌數闋樽  
前怨別淚霏珠所嗟血污烏江水不及西施泛



五湖

雨不絕

宿雨空齋睡起遲苦吟驟長髮邊絲香銷襪被  
難禁冷竈斷榆烟但忍饑無柰堦苔侵履屐更  
憐園菊瘦腰肢先生隱几蕭然坐何似袁安臥  
雪時

南樓積雨

穩臥柴門晝不開窮冬雨意似迎梅天低海色  
明還沒風捲潮流去復迴南國年年憂桂玉東

郊處處長蒿萊危樓突兀長江上安得朝曦破  
靄來

紫雲精舍聽李斯成彈琴得淹字

南薰一曲散蒸炎兀坐精藍竟日淹清度梵鐘  
風隱隱寒生菩提樹月纖纖雅音已覺淪巴變幽  
興還於水竹兼酒思琴心空不住經聲况復聽  
華嚴

感事

老看交情似九疑悠悠徵逐總貪痴人間雲雨

翻難定天上陰晴不可期  
蝸國空爲蠻觸聞鵬溟  
未許鷺鳩知萬緣到底終歸盡  
舟壑須防大力移

九日登高次明臣弟潯字

強爲佳節一登臨  
白鳥黃花解此心  
濟勝未知屐幾兩  
啣盃莫惜裘千金  
瞳瞳初月飛松杪  
點點疎鐘到海潯  
此日茱萸欣共插  
憐余短髮不勝簪

壽劉師七十

花甲再週又十春歸來正喜及江蓴傳經自昔  
推劉向濟勝于今屬許詢健質不須煩壽杖徵  
書端合起蒲輪看看洛社誰爭長可信人間有  
大椿

贈竇淮南太守

簿領能兼詞賦工西京良吏許誰同泉山色色  
回春雨閩海泱泱起大風穉子笑聲迎郭伋諸  
生儒術變文翁猶聞礦稅關租急四野須公集  
鴈鴻

七日再題神山觀

一壑粘天涯衆溪垂虹霞跨塔東西客來譚塵  
飛濤壯人去浮槎拍浪低沆瀣空中疑結蜃扶  
桑海底待鳴鷄乘風欲訪支機石咫尺銀河路  
轉迷

送明疇弟應試留都兼柬明臣弟

庚子

石城佳氣鬱葱葱射策知君藻思雄經術舊傳  
三世業文章今變六朝風家駒久矣名千里國  
色終然寵漢宮伯仲連翩繩祖武公車一日薦

書同

明疇乃祖以  
庚子領薦

龍潭閣別朱願良丘思舉

湖海相看總布衣  
江城半日坐忘機  
乍驚紫氣  
霓龍合忽聽秋聲  
一鴈飛座上  
青山留客醉樽  
前白雪和人稀  
春明裘馬長安道  
猶憶滄洲舊  
釣磯

送曉峯兄之邛州

憐君佐牧古邛州  
萬里風烟亦壯遊  
但使名家  
裁錦綺何妨迂地  
展驂騑蓮花冉冉  
春生幕棠

樹陰陰月滿樓舊日馬卿稱上客可能虛左待  
名流

貞節章媼壽言爲史進士之大母

黃鵠歌聲徹夜聞赤城霞色散秋熏文孫久擬  
宗曾子王母今稱鮑少君研席依依存荻蹟庭  
堦簇簇長蘭芬宮衣此日初娛綵倚杖含飴看  
鶴羣

壽袁太公八十

吏隱歸來賦碩寬汝南耆舊正推袁人如蕭相

文無害門擬于公法不寃白髮相將依里社斑  
衣更得奉家園他年定有安車詔况復虞庠已  
乞言

送卞刺史之安順

卞滇南人  
時妾方孕

除書朝拜出明光荒服况連桑梓鄉自是三刀  
符刺郡居然五馬領黔陽徵蘭已入燕姬夢剖  
竹初懷漢守章別意匆匆何所贈相期銀管紀  
循良

送姑孰王使君遷四川憲副分守巴東



三年姑孰紀清聲一日觀風寵漢京叱馭遠從  
天外度乘槎偏向峽中行夔城近接蠻煙黑魚  
復新開鳥道平到日雄文堪諭蜀莫忘羽檄乍  
休兵

其二

使星宛宛向巴東建節提封憲府崇舊日行春  
歌召父今朝化俗見文翁褰帷曉散巫山雨攬  
轡秋寒劍閣風熊軾它年擁旄去定應峴首比  
蠶叢

壽東陽許翁八秩爲孝廉和卿之祖

耆舊當年重鹿門黃冠葛屨古風存  
枌榆有里標通德膠序何人禮上尊  
綵紉霞翻菜子服蒲輪獨拜漢宮恩  
霽椿自是千秋物咫尺天池見化鯤

中秋雨中過嚴瀨

瀟瀟風雨柰愁何兩度中秋客裡過  
繫鼎一絲終寂寞臨江片石自嵯峨  
山凝翠黛藤蘿古洲引清流荇葉多  
便向羊裘覓真隱五湖烟水老

漁簑

黃道薦四十七舉子走筆贈之

玉樹由來秀晚枝  
名花不厭子開遲  
年幾半百初稱父  
門正中衰合紹箕  
墜地此時欣躍驥  
過庭他日喜聞詩  
龍文虎氣應如祖  
看爾飛騰白解頤

余與汪堯卿爲攝山之游今別去者六載矣余北上再過秣陵同舒仲符鄔章父集堯卿宅酒間出游草相示賦

此留別分得開字

登高猶憶子雲才，白社重逢此日開。爾已還山

辭越嶠

時堯卿歸自黔中

余仍挾策上燕臺，風塵裘馬

囊雙劍，賓主東南酒一杯。自是汪倫情不淺，長

江西望幾徘徊。

賦得螺岫晴雲送吳恒初守吉州

神螺五采燭天明，白鷺洲前一水平。十里嵐光  
開晚黛，千家曙色報秋成。褰帷北顧烽烟靜，挂  
笏西來爽氣生。此日使君應臥理，不妨快閣倚

春晴

白下逢潘景升率爾賦別兼以爲贈

萍蹤南北惜居諸落拓潘郎氣未除戶外縱無  
花滿樹袖中已有菓盈車千秋作賦窺藜火二  
酉函書閱石渠莫謂長游堪傲世故園松菊待  
歸予

其二

他鄉最苦別離難况復風塵逼歲闌不覺中年  
悲謝傅懸知愁鬢老潘安樽前桃葉偷春艷馬

首梅花鬪雪寒明發思君何處所夢魂夜夜到  
長干

兖州元日同袁廣文小集有懷蔡弘甫  
太史

廿年歲晏半天涯東兖王正又一時爲愛譚心  
人比玉何妨撲面雪如絲他鄉杯酒懷家宴望  
國衣冠嘆魯儀遙想春明溫室樹遷鶯肯許借  
全枝

壽姜翼龍禮郎

姜八子

含鷄建禮動 楓宸却遂初衣蚤乞身但使  
明廷無諫獵何妨清世有垂綸門標才子高陽  
里家近姜公渭水濱此日八龍同下食懸知太  
史奏真人

浦城梅叟行年六十其母年八十有五  
子籍上舍諸生丐言爲壽

子舍朝瞻婺女輝萱花桂樹倍芳菲卽看五鳳  
翀宵起忽湧靈魚入饌肥阿母朱顏還大藥佳  
兒白首舞斑衣由來梅福眞仙隱綿上偕耕願

豈違

送張澤臞太史冊封襄藩

詞臣御命出 天閭看看文星入楚湘冠蓋里  
中榮使節銅鉞曲裏動家鄉茅圭五等周屏翰  
帶礪千秋漢德蒼聞道鹿門存故事可能耆舊  
訪襄陽

松風亭留宿

車馬紅塵困遠征小亭乍得一班荆瀟瀟林水  
濠間想謾謾松風枕上聲繞檻花陰逗晚翠窺



人月色媚新晴坐來頓覺炎歊盡幾度敲詩夢不成

哭故沈丘令淮陰劉師五首

新昌樵李總無年

謂黃學士蔡少參二師也

故舊彫零倍慘

然不謂長淮驚絕澗翻悲叢菊悴寒烟藜窺劉  
向還吹火舄化王喬已上仙去住知師隨物理  
傷心鷺子泣花鈿

其二

蚤還初服臥滄州家傍河淮當遠遊自適鴻冥

廿一壑誰知鶴化忽千秋當年棠蔭垂南國此  
日桐鄉屬沈丘最是羊曇思不淺幾畝回馬慟  
西州

其三

鍾情有淚灑西河

時長公已先歿

白髮蕭蕭可柰何秋

露忽凋彭澤柳殘暉難挽魯陽戈小星三五依  
樛木烏鳥悲號感蓼莪猶喜遺編傳七畧佇看  
震玉振鳴珂

其四

三年消息歎浮沉一別悲哀變古今書牖塵封  
蛛網暗藥欄秋冷薜蘿深靈行宿草門人淚萬  
里生芻孺子心自是王孫慙漂母逡巡不敢過  
淮陰

其五

同門諸子並先鞭咄咄侯芭獨守玄豈謂蛾眉  
堪妬漢空嗟駿骨未酬燕盟心許掛延陵劍乘  
興應迴剡曲船今日淮陰祠下過山陽聞笛總  
淒然

淮陰舟次逢鄧汝高使君話滇楚諸勝  
以詩扇贈余之海上作此奉酬

文星一別夜郎西楚澤三秋又解攜  
鷁首渡淮逢舊友扇頭歌郢出新題  
樓窺江漢誇黃鶴山入蒼牢話碧雞  
自笑鄭虔瓊獨冷龍門何幸得攀躋

學宮東署蓮開並蒂詩以志喜

秋水芙蓉別樣紅誰移玉井泮池東  
同心縷結鴛鴦帶連理枝添錦繡叢  
黛色爭妍齊咲日柔

情欲語競含風趙家姊妹新承寵點綴靈娥入  
漢宮

送奚朝援少尹左遷王官致政還南康  
一官世業起明經白日哦松不負丞拙宦自憐  
滄海月清員人比玉壺冰虛傳占氣遷張鷟却  
爲思萼返季鷹自是甘棠遺蔭在攀轅處處酒  
如澠

楊自邇孝廉拉同龔與嘉茂才丹鳳樓  
望雪

四野同雲暗綺城層樓巖嶽俯江清光含隴樹  
枝枝白細逐風花點點輕客比梁園抽簡賦人  
如剡曲泛舟行一樽相對斜陽裡斗北天高想  
玉京

其二

稚子堦前報雪殘條然僵臥起袁安乍消冰片  
光猶濕不盡瑤華色可餐龍浦歸潮吹棹去鳳  
樓落照捲簾看共言盈尺占豐歲其柰嚴城夜  
析寒

三友齋述懷

軒窗結束舊誅茅，翠引菁蔥水竹交。  
腹笥徒然虛講席，俸錢半是給書巢。  
踈慵不受長官罵，嬾嫚何妨弟子嘲。  
睡起高齋無箇事，一簾明月靜花梢。

送劉仲巖明府榮擢春官便道還里

三春桃李遍河陽，一日徵書下建章。  
馴雉已飛山縣舄，含鷄猶挾令君香。  
南宮禮樂聯鵷列，東觀文詞集鴈行。  
羣從才名工拔藻，可無諫獵賦

長楊

其二

百里壺漿擁去旌  
吳謳半入舊絃聲  
花封久擅循良最  
蘭省仍高建禮名  
衣繡暫容過里第  
鳴珂促入侍承明  
攀轅父老留無計  
妒殺風帆五兩輕

送吳伯玉北上謁選兼奉家兄

僑盼菰蘆自昔聞  
幾從伯氏望清芬  
歌風此日推吳季  
奏賦當年羨陸雲  
玉筍應聯鵷鷺列  
絳



帷爭詫鳳皇羣元方若問囊中劍猶有寒光射  
斗文

漕使胡以惠移鎮陽羨作此奉寄

爲轉漕艘急往還匆匆仙鷁去雲間  
寒帷震澤秋臨水拄笏張公日看山  
簿領文心應自賞巖巒展跡許誰攀  
懸知劍履趨朝後詞賦名高玉筍班

送龔與嘉游北雍兼應秋試

絳帷弟子爾稱雄挾策今過碣石宮  
曲裡朱絃

飛是雪匣中紫氣吐成虹三春未老看花興一  
戰應收橫草功漢苑于今誰諫獵莫將曲學負  
家風

其二

數載公車白尚玄幡然負笈北游燕聲名一日  
翹材館詞賦三都應制篇但及龍門當上客何  
須狗監始知賢五雲望裏瞻靈闕猶記懸弧自

昔年

與嘉壽  
于燕中

爲龔生與嘉壽其師夏翁翁系出天台

其先世以博士占籍海上凡數傳而得翁苦志獨行教授里中里中人奉爲祭酒今秋八月哉生明其七袞初度也

百年譜系出天台千里寓公海上來傲世松筠堪自老及門桃李向誰栽家聲未輟青氊舊里塾猶聞絳帳開七十洵稀何足頌久知名姓注冊臺

其二

蓬筚蕭然絕世緣  
尊生不是學逃禪  
鹿門耆舊惟龐德  
馬帳諸生有鄭玄  
秋色平分黃浦月  
霞光遙映赤城天  
稱觴此日應無限  
四座先傳扣戒篇

聞屠緯真之訃夢中賦挽詩得海上神山不可求之句爲續成之

蚤還初服臥滄洲  
白氎黃冠恣遠遊  
豈謂鴻冥猶五嶽  
翛然鶴化已千秋  
寰中風雅今誰屬  
海上神山不可求  
脫却塵緣歸帝所  
遮須兜率總

冊丘

冬日姜神超祝無殊林若撫張茂卿小

集明致軒

寒雨蕭齋入夜清相逢斗酒聽嚴更交從風雅  
稱昆弟美盡東南屬友生喜有玄言傾四座慚  
無佳句答連城寥寥千古誰同調願托青松結  
遠盟

小至同張長輿祝無殊集潘士從中翰

五石山房同用深字

風雨連朝小至臨高齋暝色結寒陰一時坐客  
皆同調千里論交愜素心曲奏淪巴堪佐酒琴  
鳴山水爲知音由來潘岳能投分傾蓋迢然意  
轉深

客邸逢薄味玄孝廉以梅雪諸咏見示  
賦此爲贈

客路逢君詩思添文詞風雅況才兼題梅句裡  
知調鼎賦雪篇中陋撒鹽乍喜南津覆劍合何  
緣北闕五雲瞻慚余下里應難和馬首風烟信

口占

古薛道中

草碧沙黃凍日昏舊傳薛國祇孤村荒阡莫訝  
題毛遂綿蕞猶然說叔孫彈鋏貧生能市義偷  
關俠客總酬恩悠悠車馬經過地銷盡豪華萬  
古魂

早發利國驛有懷

閱盡間關行路難聞鷄幾度促星館霜餘月色  
猶含凍霧裡風威倍覺寒廿載塵容驚短髮半

生傲骨魂彈冠美人何處嗟遲暮中夜頻將匣  
劍看

題李選部贈公冊

白首寒氊老一丘儒林文苑自千秋道尊絳帳  
微言在業紹青絀世澤留銀管題才懸水鑑金  
函錫命賁松楸他年鼎鉉勲名重浩蕩君恩  
不易酬

同汪堯卿游淨業寺堯卿策蹇失道時

余將南發矣



日日長安陌上塵翳然林水自相親寺依北郭  
炎歊盡門望西山爽氣新乍許一罇同選勝何  
緣霍屐有迷津知君不淺濠梁想况是明朝送  
遠人

南歸道遇南昌黃道庸豐城李章江二  
孝廉小酌夜談賦此爲別

繫馬啣杯醉夕曛相逢對榻得論文何緣歇浦  
交黃叔

道庸曾過  
予海上

更喜龍門御李君彭蠡波汪

千頃月豐城劍射九霄雲游踪從此各南北莫

遺音書隔歲聞

海上朱翁以六月幾望九十初度其子  
諸生禮端乞余言上壽偶憶王元美  
詩用白香山贈裴緇州起語壽九十  
者五余亦如韻爲賦近體二章觀者  
勿曰依樣畫葫蘆也

九十不衰真地仙  
籌添東海有弧懸  
生逢宿柳欣長日  
瑞應莊椿卜大年  
甲子重開週曆半  
庚申不守得昌全  
四朝遺老誰清福  
宜爾靄光

獨巋然

其二

九十不衰真地仙  
閑看子孝與孫賢  
伏生未了傳經願  
衛武猶勤抑戒篇  
帝錫山中私日月  
人從物外飽雲烟  
薰風爲養圖南翮  
來歲稱觴樂更偏

姚叔乂至白金閭俞君寶至自華亭招  
同張長輿夜集三友齋分得豪字

寒氈蕭瑟似禪迤  
秉燭開樽集勝曹  
酒態多因

窮後減

叔入長輿故善酒今不喜飲

詩情偏向客中豪披襟

恰爾成三友問齒何須歎二毛同是菰蘆名下士可能痛飲讀離騷

杜鳳林漕使按節雲間留宿官署有賦

用韻裁答

使星的的照江濱把臂今宵得御君節擁吳天  
垂雨露詩成澤國吊機雲披襟猶憶綈袍舊抗  
禮都忘榮戟分三匝幸依溫室樹寒氈何問雪  
紛紛

王子與孝廉五十初度兼上春官詩以賀之

廿載公車案數奇  
漢官應不妬娥眉  
乍逢伯玉知非日  
正是宣尼學易時  
秋水鵬搏南海翮  
春風花發上林枝  
君行總遂懸弧志  
彩筆翩翩集鳳池

蔣中黃中葆自東甌郡署以詩札惠問  
久失財畬作此酬寄

鍾山記別晚秋時  
幾折瑤華憫所思  
入洛童遊

能作賦趨庭今日喜聞詩池塘夢繞西堂草桃  
李春窺上苑枝况復右文途聖主看花可負  
少年期

其二

踈嬾無因問綈袍多君風雅亦吾曹六年惜別  
雲魚斷千里相思一夢勞卽席人誇鸚鵡賦承  
家世有鳳凰毛憐予潦倒應才盡幾度裁詩病  
骨高

人日喬君求龔與嘉顧寅美陳太初吳

伯張過集三友軒有賦

儒林又見草青青有客相過問字亭韶光欲放  
千門柳春色先歸七葉蓂令節今朝人作日高  
朋此會德爲星頌椒賦相應同調子夜深杯醉  
莫停

送張君一太史還朝

湘霧有賦動楓宸聖主臨軒第一人藜照  
圖書窺太乙花迎劍佩廠鉤陳寧親袖舞宮衣  
綵華國文裁帝袞新鼎鉉需君調玉燭竚看

四海遍陽春

寄懷張無畫太史

唱第曾占五色雲  
爐烟墨彩共氤氲  
望氣吳鉤知異寶  
探書漢篋辨遺文  
藜窺東觀月初動  
花煖上林春正紛  
遙想仙郎裁白雪  
瑤華莫惜寄餘芬

立春日陽谷道中

陽谷峯前報早春  
韶華又是一番新  
乍吹煖律回青草  
忽散條風轉綠蘋  
去去巾車隨岸柳  
迢迢



二日 齊集 卷之六 二四  
迢馬足逐征塵幾迴佳節忙中過且進村醪莫  
厭頻

春盡日別林祖憲年丈時予將赴南雍  
長安爲客每經春幾度春歸倍愴神落拓一官  
仍苜蓿飄零囊劍又風塵燕山匹馬愁黃鳥淮  
水孤舟怨綠蘋南北萍踪分去住憐君猶是異  
鄉人

張功伯黃君礪王士澹邀予宴別時春

盡前一日

廿載公車歎積薪天涯共作未歸人  
窮看世態深仍拙老覺交情舊更真  
怨別可堪多聚散思家恰喜話鄉鄰  
今宵有酒休辭醉明發飛花又送春

都門別李端衷

參商六載憶同舟乍見不禁霑淚流  
刻羽猶傳春雪句看花虛負少年遊  
知希敢謂文憎命別易惟憑酒破愁  
垂老交情翻戀舊相思一夜鬢如秋

五日高唐道中呈王士澹

驅車客過縣駒里弔屈人傳宋玉詞同調驩歌  
應不惡異鄉節物總堪悲茅柴且醉消愁酒柳  
絮權當續命絲從此圖南心更遠休將憔悴怨  
江蘺

夏日同戴冠卿林若撫重過潁上人木  
仙閣小集因訪雪嶺上人有賦

繫纜平橋認故蹊翳然林水有禪棲一樽乍許  
傾河朔三笑何緣渡虎溪梵引松風清籟遠蟬

鳴竹雨綠陰齊因過別院逢僧話又悵歸舟促  
日西

將赴南雍別海上諸故人

六年海上再傳經兩度公車別帝京移局仍  
爲秦博士彈冠應笑魯諸生官閒儘足容踈散  
才拙重慚負聖明桃李成蹊陰幾許願言歲  
歲發春榮

題喬耕孺總春齋

江城小隱薜蘿深管領羣葩集錦林九轉幻成

醫國手三生種得活人心扶欄蓊鬱迷蒼蘚繞  
舍漣漪度綠陰更喜庭階留晚翠芝蘭玉樹已  
森森

其二

茅茨半畝碩人寬點綴芳菲在筆端亭子春開  
花爛熳園丁日報竹平安池疏浦水歸丹井門  
引松風護藥欄自是韶光收不盡杏林先放一  
枝看

以簡叔來自嶺表謁余南雍留數日輒

返書此送之

西泠惜別意如何畫舸欣從建業過  
顧我長爲吳下客對君難和郢中歌  
三年南北客華改六代山川感慨多  
有酒休辭今夜醉明朝相憶在關河

其二

中年每苦親知別况復他鄉轉憶家  
此去五羊多瘴癘全憑雙鯉問烟霞  
綈袍戀爾心如昔薄祿羈余鬢已華  
十日平原歡未足可能重汎白

門槎

送嚴道載文學歸虎林嚴爲都諫從子  
以卦臂療母手纂 文廟禮樂志有

功 聖門云

扁舟遙自白門還家在吳丘  
淞水灣武林人物推曾閔  
文廟祠官志 孔顏 鳳藻恩榮青  
瑣闥羊裘漁隱富春山  
期君朱紱承先世愛日  
娛親舞袖斑

送吳留守之中都督理屯政

推輪分閫拜牙璋坐控咽喉况帝鄉三輔提  
封依日月二陵列戍護金湯武侯渭上紆籌  
策蕭相關中給饋糧從此軍心如挾纊論功不  
數曹平陽

其二

西風獵獵動旌竿七萃前驅簇馬鞍  
撿粟中都新授鉞掄材南國舊登壇  
朱旗晝擁轅門靜畫戟霜飛玉帳寒  
聖主應憐湯沐地藉君一劍壯維翰



早春夜集同王粹夫費無學林茂之兒  
子虞龍分賦得聞字

殘雪新晴暖夕曛相將秉燭坐宵分  
論交半屬閩中侶得士全空冀北羣  
爲愛陽春傾栢葉更從風雅結蘭芬  
豚兒亦喜看賓客今日趨庭有異聞

上元宴集鷄鳴寺同羅玄甫登千佛閣  
兼覽玄武湖諸勝

湖水空明照四禪金輪突兀近諸天  
毫光普現

千身佛落日蒼茫萬戶烟說法人從初地轉窺  
燈月向此宵圓六街歌舞香塵動肯負春風不  
醉還

得張茂卿明府書却寄四首時方奏績兼  
以爲贈

相思每嘆別時難忽到覆魚自萬安  
苜蓿憐子仍采藻風塵藉爾一彈冠  
橋環壁水清堪挹座擁鍾山秀可餐  
不是故人交誼重深秋肯復念  
飢寒

其二

童牙嘖嘖盛稱奇  
弱冠能酬國士知  
製錦正當游泮地  
書屏尤喜及瓜期  
訟庭棠蔭先成蔭  
公府蒲鞭不用施  
聞道漢家方貴少  
徵綸早晚

下  
彤墀

其三

烹鮮誰不頌神君  
簿領公餘雅右文  
融帳道尊宗北斗  
韶山樂奏引南薰  
牙衣問俗徵三異  
鳧鳥朝天起五雲  
補袞埋輪須特立  
于今朔洛正

朋分

其四

河陽桃李發春溫三載循良達至尊孝養魚軒  
娛子舍榮頒象服侈天恩霜威且避乘驄客  
陰德應高結駟門諫獵何人憂社稷憑君大力  
轉乾坤

七夕集秦淮舟中同羅玄父張克雋胡彭  
舉劉熙君林子丘吳聖初李祥卿輯卿  
用八庚韻

三伏爭秋暑未平一樽河朔泛丹行垂楊夾岸  
迷桃葉落炤迴波映綺城簾幕因風吹酒散樓  
臺傍水簇燈明似憐牛女今宵會巧織纖雲媚  
太清

又得九青

臨流引滿復揚舲檻外羣峯落酒青偶爾秦淮  
逢七夕何來夜雨妬靈星天孫有巧應難乞朋  
會無多忍獨醒興劇不妨歸棹晚滄浪一曲也  
堪聽

送李信卿博士奏最北上時豕君擬授

御史

三年博士久棲遲五業兼通羨國師此去鵷班  
趨闕日恰逢豸服過庭時子華講論應重席匡  
鼎譚經定解頤聖主如垂宣室問好從稷下  
起朝儀

壽陳任齋先生

晉安陳明經先生古德醇微發祥長  
公令古嚶稱東南茂宰第一先生以

謁銓過膠視令官邸與初度會都人  
士祝華封者三矢之金石友人范孝  
廉景文沈文學弘正謂余小子叨粉  
榆世講不可無一言敬裁近體二章  
以備惇史

五十公車意未平秋風又向薊門行太常幾奏  
賢良籍都講仍高博士名問政邦人呼大父傳  
經弟子識先生鱸堂有兆毋勞祝掌固官曾至  
九卿

其二

翩翩鳬舄忽趨庭南國何因識典刑墨綬已翻  
雙袖彩絳帷未厭一氍毹青吳兒騎竹齊稱壽閭  
士擔簦半執經自是太丘眞道廣賢人聚處歲  
爲星

重陽後一日登木末亭分得初字時余  
方病起

木落天空鴈影疎霜華乍試菊華初登高偏愛  
重陽後濟勝尤憐病骨舒省樹雲深雙闕迥禪



二上卷集  
卷之六  
林秋冷六朝餘西風蕭颯寒原草似染萋弘血  
未除

送師九二之鄖陽司馬

先生無意乖啣鱸絳帳初聞半刺遷麋國旄倪  
迎道左龍門山水擁車前由來岸幘惟司馬此  
去徵書定潁川獨有同心驚離索未知劍合是  
何年

其二

蘭橈欲發住江干解袂難忘握手歡似惜青氍

牽別恨不妨綠酒破餘寒行春車雨初分陝蒞  
事斤風試佐藩莫以勞人輕外吏含鷄指日侍  
鵷鸞

秋日陪祀介公祠和史少宰原倡七陽韻  
祠額新題舊講堂監門姓字有遺芳春秋遂作  
枌榆社俎豆頻來桑梓鄉霖雨終朝嗟遇合清  
風一拂想行藏澤中鴻鴈今如許誰寫流民獻  
尚方

清涼山翠微亭小集次史少宰韻

臺荒避暑只孤亭四望晴空列翠屏萬井烟浮  
吳樹碧三山影落楚江青玄言佛日閑相對仙  
梵松風靜可聽公袞登臨留墨處春生南國自  
清寧

帶雨桃花

一番花信逐風寒點點天桃怯雨殘似厭鉛華  
先洗艷微凝脂粉欲流丹楊妃浴罷香猶濕湘  
女斑成淚未乾劉阮不來春又去無言寂寞倚  
欄干

向日桃花

度索山頭破早霜  
穠華灼灼媚春陽  
凌晨巧作新妝艷  
向暖齊含曉曙光  
照面渾疑朝虹彩  
傾心不獨野葵芳  
成蹊結影垂垂樹  
一任蜂顛與蝶狂

王氏雙節詩

婦姑雙咏柏舟篇  
白髮青燈影共懸  
志矢程嬰存趙日  
情深李密報劉年  
千秋慈慕烏生感  
萬里飛騰鳳翮翩  
表宅恩褒門閥耀  
制詞猶自

說三遷

春杪清涼臺送曹公遠使歸陽羨得五微

韻

臺聳清涼俯翠微  
登臨有客送將歸  
數聲林鳥催春盡  
一片江帆帶夕暉  
彥會君應憐去住  
宦情吾豈愛輕肥  
辭家十載青氊冷  
故里松杉幾圍

其二

春草王程四牡駢  
名山拚與賞心違  
宦遊正喜

家鄉近休澣應思蕨筍肥洞有張公堪訪道潭  
過玉女一披衣君看白鷺洲前石何似荆溪舊

釣磯

荆溪有任  
昉釣臺

九日藏春園社集分得七虞韻

蘆白楓丹草漸枯疎林風雨老秋梧朋游肯負  
登高興彥會何辭折簡呼把菊不須人送酒敲  
詩遮莫吏催租習池如許來車馬還醉山公舊  
飲徒

其二

三上卷之三  
故園三徑久荒蕪幾見他鄉節物殊強爲芳辰  
登藻井羞將蓬髮插茱萸山容巧媚藏春塢人  
籟清翻子夜歛何事秋英慙早放遲余霜月撚  
花鬚

友寰宗丈以皖李最拜民部郎一見叙譜  
譚詩驩逾夙昔茲假歸襄事率爾賦別  
情見乎辭

萍聚都城却有緣新歡轉爲別情牽宗風敢附  
香瓊後詩法應推沈宋先我媿無功隨虎幄君

歸何處訪牛眠泉山極目腸堪斷汗漫辭家已  
十年

其二

與君相見卽相違里社誼傳書繡歸三載祥刑  
無肺石一時郎署有光輝行邊漸覺霜華少到  
日應憐海錯肥千里總同明月夜緘書莫遣鴈  
來稀

十月四日留春堂看菊分得八齊

黃花秋後怯風淒冬意如春葉尚齊冷艷自能



堅晚節寒香正好伴幽棲陶家盈把宜供酒楚  
客餐英費品題醉倒東籬山景夕霜容點綴幾  
枝低

霜月下菊花分得五歌

羣芳已逐三秋老叢菊爭開九日過南國凝霜  
香未減東籬受月影偏多金英的的欺青女玉  
掌盈盈漾素娥病骨憐予應比瘦故園三徑近  
如何

爲朱大司成壽其從兄運倅倅以貢入貲

爲郎於司成篤在原之誼今花甲一週  
矣

游戲東方自歲星祥鸞其德鶴其形樓臺韡韡  
輝花鄂羽翼依依戀鶴鵠里社耆英初養國江  
湖隱吏舊明經懸知小謝無它祝夢裡池塘草  
倍青

史公世程由南少宰轉少宗伯纂修 玉  
牒六首

南北驅馳報主身 詔從綸閣寵儒臣長材數

器兼文武雅望三銓領縉紳邦禮一新儀陋漢  
王風如舊樂歌幽回天事業歸寅直咫尺端揆  
贊化鈞

其二

聖曆龍飛四十年齋居恭默正需賢人情久望  
商家雨時事誰憂杞國天建禮由來輿論洽徵  
書莫訝主恩偏六朝山水題名遍賦就三都  
奏御筵

其三

貳卿南省捧 新章一代宗公肅典常秩叙司  
存虞五禮仙源牒纂漢諸王陽和漸啓乾坤泰  
浮靄翻爲日月光自矢孤忠能遇主賡歌喜起  
叶明良

其四

高皇豐鎬重東曹況復思賢寤寐勞此日台樞  
三象切當年臚唱五雲高卽看禮樂還先進行  
矣銓衡簡譽髦時公推吏侍有客彈冠思不淺殷勤  
爲解呂虔刀

其五

一從劍珮別鼇峯  
午夜稀聞長樂鐘  
南國持衡推水鏡  
中朝補袞藉山龍  
螭坳履識星辰近  
魚藻身沾雨露濃  
欲向蓬山瞻北斗  
卿雲無柰隔仙蹤

其六

銓宰冰銜禮絕攀  
臣心如冰介如山  
清通簡要羣僚肅  
正直平康世運關  
玉牒編摩歸太史  
金鑾夙夜列崇班  
青蠅敢自私千里  
廣廈還應

庇萬間

社中各拈一景賦得燕子磯

巨靈負麓俯江開疑是烏衣國裏來  
檻外鯨波翻翡翠空中蜃氣結樓臺  
鐘聲月上乘潮壯帆影風前逐浪迴  
極目扶桑天界闊十洲三島等浮杯

壬子守歲

此夕他鄉看幾迴一宵容髮兩年催  
寒隨臍盡冬無雪氣逼春先歲已雷  
荏苒光陰仍爆竹蹉

三  
以  
集  
卷之六  
三  
蛇節物又芳梅關心不少憂時淚坐聽嚴更撥  
冷灰

元日禮部賀歲遇雪有述

一冬望雪候何憊風雨元朝凍碧漣點點碎花  
飄雨後盈盈弱絮舞風前寒侵委珮瑤堦滿光  
晃朝衣粉署妍欲頌春椒天闕遠願歌堯  
曆祝豐年

春日丁繕部歸壽王母

蘭玉堦前樹樹芬寧親家宴乃春分仙郎東去

無魚餉王母西來有鶴羣愛日朝暉堂北草祈  
天冬產澤中芹用劉殷祖母事陳情未報含飴德願矢  
移忠奉聖君

送周晉明守廣南

白社同時領郡章憐君出守似投荒材名豈合  
山城長詞賦尤稱水部郎莫以仙曹輕遠徼須  
知聖主重邊疆西南文教開司馬招撫全依  
漢吏良

賦得王喬鶴壽毛母



上  
卷之六  
緱嶺昇仙跨子喬凌風一舉海雲遙丹臺清響  
若爲和紫府新書不用招天上笙歌猶信宿人  
間城廓幾沉銷應隨王母青鸞使日引羣真絳  
節朝

羅山劉載甫昌陽高孩之二曹郎上計  
之京賦別三首

高子東歸去棹遙劉郎北上急征軺鳴珂此日  
趨雙闕授簡同時賦六朝鼇海樓臺噓蜃氣鵲  
山風雨挾龍驕憐子猶老揚雄戟旅思鄉心總

寂寥

其二

文心政術並稱宗直以才名徹九重  
海岱雄風高列國河嵩嶽色壓羣峰  
陽春已入明光奏子夜初聞禁苑鐘  
聖主如垂宣室問謾將詞賦勸東封

其三

嚶鳴求友託盟同白社登壇自國工  
忽變齊風超歷下頓回斗氣接天中  
一時詞客升仙掖三

載潛郎達 帝聰主計明刑推異等徵書已出

大明宮

舊父母蔡伯達司馬以中秋奏最與

聖節會詩以送之

曾分河潤託鄰封宿契翻爲白下逢彥會有時

酬郢曲勝遊何幸躡仙蹤舊民遙致鱗魴頌時陳

公望宗伯以贈章至聖主先書省署庸拜舞應同 嵩

祝列願歌天保補山龍

送盧少從民部上計之京時有副郎之命

度支三載料量平駟牡乘秋謁帝京  
籌借岐豐紆國計歡騰士馬壯軍聲  
年功甫入司勳奏郎秩先登省署名  
聖主當依應賜對相如已賦子虛成

秋日登蔣山同用十灰

荒祠爲護帝陵開岡勢蟠龍亦壯哉  
千古山川還得姓六朝金粉已成灰  
林花漸向秋光老江鳥空隨夕照迴  
惟有堂前連理樹虬枝鬱鬱蔭蒼苔

杪秋社集憑虛閣同登聚遠亭

樓閣參差四望通  
閑雲漠漠澹秋空  
萬家砧杵斜陽外  
六代山川遠靄中  
濟勝可能隨許掾  
安禪何處覓支公  
逢人指點臺城路  
衰草寒烟感慨同

其二

風恬日靜憑虛閣  
木落天高聚遠亭  
粉堞平連秋樹碧  
玄湖澄漾晚峰青  
如聞鐸響空中度  
更愛經聲竹裏聽  
相對一杯明月上  
留連今夜却

愁醒

社集牛首弘覺寺值雨留宿分一先

似與山靈夙有緣  
揭來風雨且留連  
山中聽雨  
雨聲寂雨後看山  
山色妍石竇虛通  
金粟界花  
宮錯落蔚藍天  
淒淒淒吾意元無  
着到處粗安自在  
禪

其二

雙峰縹緲白雲連  
寶刹凌空影倒懸  
落木孤村  
明遠岫雨鐘寒磬  
澹秋烟厓高兜率  
疑無地洞

三  
月  
三  
日  
卷之六  
四  
三  
竊文珠別有天馬首不妨頻反顧夕陽歸路正  
堪憐

楚人胡仁常令古轆改治茂苑三載政  
成詩以紀之

何來歲德集吳都若爲神君再剖符八九胸吞  
雲夢澤絃歌聲滿澹臺湖千郊杲杲方馴雉雙  
鳥翩翩欲化鳧祈佛可能諧所願驚看海國已  
還珠

其二

志喜兼以勸駕

溫陵古郡逼滄溟 帝爲炎荒簡宅生江有蠟  
房依石滬園多龍眼蔭桐城新封敢避揚鱗餌  
舊部先爲竹馬迎二國漫勞爭境上屹看河潤  
及神京

其二

豐鎬周京漢渭都陵園擁衛重兵樞三年庫部  
軍司馬四十專城子大夫忝雨隨車行隴畝松  
風下榻禮文儒承明信宿應歸袞高蓋褰帷寵



自殊

其三

君家忠惠守泉時日坐衙齋譜荔枝洛渡成梁  
神力護松陰亘里旅行思流風名蹟今誰似政  
術文心爾可師北望齊雲堪拄笏好從公暇一  
題詩

其四

論交數載託雷陳玄澹知公品最真直以禪心  
通治理故應樂職賦詞人千村俗化無飛虎一

室風清有挂鱗蚤懨壺漿諸父老承歡莫戀綵  
衣新

送李本石之雲安司馬

東下瞿塘西入夔巴童擊節舞渝兒行春已次  
諸侯列叱馭何妨蜀道危暮雨朝雲神女賦孤  
城落日少陵詩由來司馬稱方外文采風流自  
一時

其二

朝辭璧水向巴州巫峽陽臺是勝游峰影帆前

低赤甲灘聲月下轉黃牛郢歌秀奪岷峨雪召  
菱陰垂橘柚秋朝罷徊翔雙白鵠知君應上最  
高樓

麻源羅母九十母二子方宰邑爲鄭應  
尼同年

堂背萱開九十春麻源酒熟正相親千齡仙子  
供麟脯兩邑神君奏雉馴共捧潘輿花底御雙  
翻萊彩月中蹲令妻壽母人皆頌燕喜何勞茵  
鼎陳

原缺

送韓价卿守昭武

三年白社識荊州一日朱旛領上游  
推案和風驅瘴厲放衙霖雨遍春疇  
翠微閣待雙旌過烏坂城聞五袴謳  
自是才名高北斗文心政術竝千秋

送曾頑夫歸武昌

江漢風流迥出羣如君眉宇有清芬  
談詩匡鼎頤能解問字侯芭意自慙  
壁水春濤淮水月鍾山秋色攝山雲  
南中名勝行看盡話與鄉人詫

異聞

卜居拈得十三覃八庚二韻四首

老去行藏萬事諳  
今朝却喜免朝參  
疎狂自分三宜黜  
懶嫚誰憐七不堪  
江上盟鷗機已息  
床頭聽蟻戰方酣  
茫茫天意何須問  
笑殺騷人亦太憨

其二

涉世其如虎視眈  
卜居暫爾滯周南  
薄遊汗漫應知悔  
名勝留連未厭貪  
駒隙流光今已半  
菟

裘隱計徑無三但教脫得樊中累僵卧袁安老  
亦甘

其三

誰信虛舟不可行乍風乍雨自人情蛾眉已老  
猶招妬蝸角何緣却誨爭宅有青山堪寄傲門  
如秋水絕將迎浮華過眼都成幻莫使纖雲點  
太清

其四

江湖廊廟兩無成十載風塵悞半生拙宦豈應

虛祿秩倦游敢謂薄簪纓西清自有書千卷南  
面何須長百城多少六朝金粉地惟留山水舊  
時名

夢賦春草得不除堦砌憐生意忽感池  
塘起夢思之句因續成之

若爲韶華暗有期條風一夜綠離披不除堦砌  
憐生意忽感池塘起夢思色帶波光浮薜靡陰  
連樹影動參差年年拾翠提筐女采擷馨香欲  
寄誰



其二

寒荻荒徑早知春雨後烟中綠半勻淺映龍池  
明夕蘼輕隨鳳輦惹芳塵臨書沃若文成帶醉  
酒頽然錦作茵何事王孫歸未得汀洲一望轉  
傷神

以詩代柬寄史武定

璧水追陪講席隅一麾羨爾領州符歡中不覺  
朋情洽別後誰憐雅道孤俗化耕夫皆賣劔風  
清海國已還珠賜金明主行徵異豈問平原

黨有無

正月二十七日蔡總戎招同黎叅府靈  
谷觀梅時兒龍倩斗在坐

雪後看山山倍青閑隨小隊出郊坰連村籬落  
梅爲塢十里松濤谷亦靈老我詩篇無盡興襲  
人巾袖有餘馨知交眷屬同時聚肯使花神笑  
獨醒

其二

去年此日賦梅詩今歲重來似有期濟勝自憐

雙屐健對花應笑二毛欺難忘醉喫杯頻勸不  
覺尋香席屢移幾樹垂垂春色裡含情還憶未  
開時

同洪仲巖袁又玄看梅吉祥寺期周爾  
昌不至分得飛字

和風晴日趁芳菲結伴同遊思欲飛爲託空門  
留古幹却憐珠粉障新圍坐來冷艷清人骨歸  
去餘香染客衣試問商家調鼎者花魁有約肯  
相違

和兒龍期字

日日探春恐後期佳辰却與賞心宜消殘雪色  
添花色開遍南枝更北枝素艷不禁游女妬孤  
芳惟許老僧知巡簷索笑思搖落爲祝東風好  
護持

周爾昌遊南雍爲余入室弟子夏日北  
上詩以送之

橋門自擷郄枝芬多少名流得似君璞剖一朝  
應照乘金酬千里合空羣黃梅細雨侵行色高

柳新蟬急暮暉到處無勞關吏訊棄繻近已識  
終軍

其二

爾祖蕃宣舊德存承家傳硯有蘭孫懷多白璧  
高時譽代擁朱輪盡主恩行地已先南國駿  
搏風欲化北溟鯤彤墀竚奉公車對願策天  
人獻至尊

姜神超戴清之林若撫許慎夫過集秦  
淮水閣次若撫韻二首

移家桃葉卽通津况有鍾山近結鄰自託浮槎  
同釣叟相逢痛飲盡騷人眼中何處分青白名  
下誰當定假真莫訝姬隅鄉語細譚深轉憶故  
園春

其二

十年羈旅尚迷津朋舊他鄉若比鄰檻外雲霞  
能款客樽前魚鳥覺親人可知原憲貧非病誰  
信稽康嬾是真多少含香鴛鴦侶何如烟水五  
湖春

荅許慎夫用來韻

嬾隨微祿賦閑居日對青山好著書  
抽帙未能窮二酉焚膏猶自惜三餘  
我懷舊社方求友君惠新詩忽起予  
不覺小巫神氣盡木桃何以荅璚琚

林若撫梅花百二詠成於西泠雨夕李  
本寧顧太初二先生各有贈言同用  
九佳索余屬和勉焉續貂不復計其  
工拙也

西冷宿雨暗天街百二梅詩一夕諧梅傍山坳  
香自遠詩亡水部品誰佳人文奎壁宜張楚王  
氣東南枉鑿淮從此長城應固壘偏師未許禦  
彭排

其二

尋春蠟屐遍花街三弄聲中玉笛諧句逼陰鏗  
知紙貴名傳皇甫以題佳千秋和客同歌郢列  
國盟侯霸酒淮欲醉逋仙呼不起琴淒鶴怨爲  
君排



孟秋朔日李本寧先生同諸詞人集秦

淮俯玉閣余不及赴分得歸字

閣俯清溪望翠微波光不斷送斜暉流金促夏  
初移節逝火爭秋未解圍客向龍門皆喜御人  
宗牛耳得依歸懸知太史占星聚彥會何緣我  
獨違

中秋次日陸伯生唐仲言孫令弘林若  
撫過集千頃齋同用時字

玄心雅與水雲宜日俯清溪理釣絲月在中秋

當既望客來三徑恰如期承家猶魏波千頃招  
隱堪分桂一枝珍重故人相慰藉敢因小草薄  
明時

喜周爾昌北闡得雋却寄二首

文名久矣冠時髦一入都門價轉高上國故應  
收竹箭長材豈合老蓬蒿馬羣逢樂宜空冀鶴  
子鳴陰更和臯爾昌乃祖爲方伯鶴臯先生期爾曲江春宴  
後宮衣麗日映緋桃

其二

忽聞凱奏渡江來，秋色應高郭隗臺。  
虎帳三年分雨露，龍門一日會風雷。  
主司驚見名情叶，眷屬歡迎笑口開。  
我欲彈冠憐髮短，停雲搔首幾徘徊。

龔在王北上以閏中秋過余話別卽席  
送之二首

處處砧聲葉亂飛，譚深漏永燭光微。  
蒹葭零露涼生席，桂樹浮霜冷入衣。  
天爲清秋重借閨，人因雅故澹忘歸。  
客中送客難爲別，去住相看淚

欲揮

其二

秋再中時月復圓送君更上木蘭船  
靈砂九轉丹方就弧矢三張葉盡穿  
社燕尋巢逢舊主流鶯出谷喜新遷  
金羈蹀躞長安道好趁春風猛  
着鞭